



1888  
1888  
1888

特  
門 5  
號 3537  
卷 33

重修揚州府志卷之五十二

人物志七 篤行

晉

高悝廣陵人少孤事母以孝聞年十三值歲饑悝菜蔬  
不饜每致甘肥於母撫幼弟以友愛稱寓居江州刺史  
華軼辟為西曹書佐及軼敗悝藏匿軼子經年會赦乃  
出元帝嘉而宥之以為參軍遂歷顯位至丹陽尹光祿  
大夫封建昌伯

見晉書七十一高嵩傳  
華軼傳云匿軼二子及妻崎經年既而遇赦悝攜

之出

梁



吳元嗣江都白沙邨人子孫多壽百歲上下累葉同居不分至吳琬淳義尤篤廣陵太守陳正平以事聞賜號義門置義順二臺以旌之

明南畿志

唐

陳融廣陵棠邑鄉人有隱德不出鄉而里閭化之年七十二卒貞元初呂溫寓居是邑見鄉之人父子長幼各有倫序歎曰芳蘭所生其草皆香美玉所集其山有光殆有賢者生於是乎遂停車累日周訪故老皆曰嘗有陳融孝慈仁信不學不仕今也則亾清風猶在溫慨然曰先生以純德至行沈輝含耀可無以表彰之哉乃披典校德私諡曰貞晦先生

萬曆志

宋

杜嬰字太和寓於醫無貧富貴賤請之輒往與之財非義輒謝而不受時時窮空幾不能以自存而未嘗有不足之色蓋善言性命之理而其心曠然無累於物徐仲堅字某忠信篤實遇人至謹雖疾病召筮不正衣巾不見寓於筮曰得百數十錢則止不更筮也能爲詩亦好屬文有集若干卷征某字某事其母至孝居鄉里恂恂恭謹樂振人之窮急而未嘗與人校曲直好蓄書能爲詩有子五人而教其三人爲進士皆居於真州之楊子

見王荆公集 案儀徵志作長復次 賁相繼登進士又征某作征集疑譌

彭彦膺真州人少孤事兄以順聞恤兄弟子與其族人不能自存者十數輩嘗造石梁以濟人渡浚井以濟人

渴治平中王建記其事儀徵續志 案儀徵志有胡彦膺大畧相同彭與胡傳寫互異

未知孰是

吳志興楊子縣塘下里人世篤孝義七世同居三百年室無私財積而能散惠及鄉人真揚間咸稱善士年九十三以高宗慶壽恩封迪功郎子汝明以孝著靈芝生於堂側異木連理開禧間敵騎入境民居焚蕩其廬獨完兵後大疫其家四十口皆無恙人以爲孝義之報嘉

定間詔旌其門儀徵舊志

陳護字元法泰州人六世同居百口無間政和七年詔旌其門建炎中兵燹不存節婦向氏於紹興九年貸金

贖產陳有司丐修遺址州郡賞其義復榜建門閭雍正志

茅信卿泰州人四世同居每旦家長坐堂上卑幼各以

序立拱手聽命分任以事畢則復命其有怠惰者輒鞭

辱之卒無怨言州郡上其事表曰四世孝義之門嘉靖志

夏世賢高郵人七世義居詔署其門宋史度宗紀 咸淳五年

張元福字善甫後更名裕高郵公田人年十八歷任錄

事參軍值北軍入境糾結義士佐知軍徐敏予拒敵淮

上元既取揚州元福家居不仕教訓子孫動有禮法嘗修白龍君廟東嶽神祠施腴田於揚州雍熙寺以供香火公田往城路屬衝要中隔大河剏三星橋以免行者

之涉年八十二大德癸卯年卒

張楨撰墓誌案公田張氏家乘以元福嘗與

嵇聳殺柳岳款文文山錢陸燦信而為之論考指南錄

嵇聳殺岳之說且未必然則元福更無容深辨矣文山

述嵇莊之人極詳絕不稱及元福即張楨墓誌亦不言

柳岳文文山事則家乘所載未可信但據所稱諸善舉

因錄而存之

秦昭廣陵人妙年遊京師其執友鄧載酒祖餞既而昇

一殊色小鬟至前令拜秦因指之曰此吾為部主事某

所買妾也幸君便航可以附達秦弗敢諾鄧作色曰縱

君自得之亦不過二千五百緡耳何峻辭乃爾秦勉強

從命至臨清天漸暄夜多蟲蚋可畏內之帳中同寢直

抵都下置舍館主婦處持書往見主事問曰足下與家

眷來耶曰無有主事意極不悅隨以小車取歸踰三日

謁謝曰足下長者也昨已作答簡附便驛報吾鄧公且

使知足下果能不孤公付託之意矣遂相與痛飲盡歡

而散

輟耕錄

陳起字起宗真州人為掌刑獄吏夏月多疫旦暮勞問

給醫藥召獄卒諭善視囚出私財日具湯餌粥食給諸

囚無德色後起子孫累世貴顯

儀徵舊志

顧仲庸泰州人倜儻好義與保定張文友交契張爲崧縣尹秩滿僑居江陰一日暴卒仲庸在京聞之卽走告當路者曰張文友未病願致仕因代入狀中書遂獲以嘉定知州致仕旣領宣命又代文友之子告廕乃得注晉陵尉其家實不知也仲庸南歸致奠賻奉宣敕授其

子人始驚歎

嘉靖志

俞思齊字中孚泰州人爲張士誠參軍士誠去僞號其下頌功德邀王爵不許士誠復自立爲吳王幽達識帖睦迺於嘉興元徵糧不與思齊諫曰向爲賊可無貢今爲臣不貢可乎士誠怒抵案仆地思齊卽引疾去

見明史

百二十三  
張士誠傳

明

顧師魯字惟學興化人少嗜書有文武才明初左相國徐達取興化師魯率父老迎謁一見大奇之命指示前鋒旬日破吳十元帥遂取鹽城克寶應復興化平高郵下淮安摧鋒制敵所向皆有功師魯舅氏王信父子據沂州達表師魯持太祖手書往諭之信父瑄不從拘師魯於別室欲殺之師魯得間出歸達方定江南欲載以行師魯固辭乞終祖母養達爲請於朝賜羹湯三十六戶以榮養終自是絕意進取日居田里以琴書詩酒自

娛師魯勇於為義不求人知卹宗黨賑孤寒同里二百餘家待以存活昔在軍見同鄉被掠者百人盡以財帛贖還國初役民丁開鎮江陶莊及浚瓜洲諸壩師魯以粟千石錢百萬白金數十劬罄家帑以給其貧餒者其好施利物類如此

見錢溥誌銘暨興化縣志

柏叢桂寶應人洪武時建言請築塘岸起槐樓達界首四十里以備水患有司寢不行叢桂更相度地形畫圖上疏陳利害甚悉發淮揚丁夫五萬六千俾叢桂董其役期月工成鄉人呼為柏家堰

寶應舊志

儲仲文泰州人惇行孝弟讀書通大義嘗市鹽遼陽載布數車值寇騎圍城雨雪浹旬飢凍相屬仲文口坐逆旅戶外探布散之不問誰某眾商止之曰商以求利若之何並其本棄之仲文曰此何時尚問利耶中歲家寢落閒曝於門拾遺金十數兩默置厠舍簷間及晡有一男子攜婦頓哭來仲文問之曰某夫婦解戍某地費不給祇一子賣而得金今晨過此遽失去將死道路矣仲文詢其封識並金幾何語悉合出歸之且察其有饑色予之粥遣之其人曰吾無以報德逢人語君使君聞於人人而已後仲文以壽終曾孫巖官至吏部侍郎謚文懿

名山藏案泰州舊志仲文名宏字仲文未知孰是



馬士權泰州人讓官於弟寓京師教授博極羣書多與  
學士先生游劉元博徐有貞輩凡疑必往質士權故與  
徐允厚天順元年石亨曹欽等引有貞共爲南城之計  
不久權勢相拉疑有貞文臣不時見上將爲所間遂構  
其事自武功伯降廣東參政猶慮其復起必欲殺之因  
造奏誹毀朝政多危語假給事中李秉彝名下之李時  
巳丁艱去曹石以貌類一人持奏入接本小豎視其牘  
甚長言大人說何事有許多文字其人不語豎觀懸牌  
吏科給事中也奏入明日朝召其人則亾之矣逮捕甚  
急校尉妄持一人入示小豎豎曰非也昨肥而髯今瘠  
無鬚乃復大搜常熟張廷瑞以寫作遊都下捕者視其  
貌惟肖且吳語也取以入加掠亡狀後乃得李竟死酷  
烈之下曹石因言此徐有貞怨望使所密泰州布衣馬  
士權及某官某吏共爲之而滅其迹耳後收四人及徐  
家屬下詔獄加之酷烈益甚瀕死數四竟無狀馬尤毒  
虐馬曰今欲我三人何所承行刑官曰徐有貞欲作逆  
與汝三人同謀先爲此以惑朝廷士權顛建計某某執  
筆作狀楊某書膽之士權大呼曰徐有貞欲使今皇帝  
爲堯舜之君今百姓爲堯舜之民如此而已不知其他  
刑官不能折獄竟不成乃命取誥券出示三法刑部侍

郎劉廣衡等劾奏有貞詐撰制文竊弄國柄自以為治  
水希蹤神禹敢以定策冒貪天功大不敬無人臣禮宜  
戮市曹會承天門災乃宥之編置雲南金齒為民有貞  
出獄感士權許以女嫁其子以奉湯藥灑泣而別天順  
四年有貞自金齒歸蘇士權自泰州來謁欲成婚約有  
貞頗有難色士權曰貧儒不能當侯家女也有貞遂從  
其言而以微物贈之士權畧無快快意士權貌甚鄙陋  
長不踰五尺議論雄偉氣節凜然真義士也

寓圃記

國朝名世類苑引

陳東山字魯望江都人慷慨尚氣節嘗有寄千金者歿

已十載覓其子還之封識如故又挾重貲賈頰上僕構  
黨盜之事覺株連者眾東山白官罪止其僕眾悉免累

頰人德之

萬麻志

柳佳字世可儀真人少為諸生夜宿田舍有僕夫荷籠  
投佳詰得其狀乃竊其主福建千戶王陞解京公帑也  
欲以分佳佳責以大義竟訪陞還之陞感以金謝堅卻  
不受縣上其事表門

儀徵舊志

郝理北京衛籍十齡而孤家故貧有從父梁賈揚州富  
巨萬往依之正德末中貴擅權諸大賈逮詔獄梁在逮  
中諸大賈駭愕謂往必死理挺然請代梁往既對簿申

重刊州志 卷之五十二  
八  
冤狀反覆數千言不少緝刑曹白其事竟並諸大賈赦  
之賈因梁奉金願交驩理郤之再進再郤初理歸梁  
梁以凡兒視之至是始重理理遂移家於揚梁歿理嗣  
其業十年富十倍性好結納饋遺諸父執歲時不虛遇  
貧之士尤時時周贍之子莘登嘉靖二十六年進士仕  
至湖廣參議封理奉直大夫

萬麻志

陳佐字子輔泰州人兄官參政佐生平未嘗言人過享  
百歲臺使者上其事詔賜優禮仲子鳶字理卿善治生  
產家富饒急公慕義嘗輸粟佐軍餉賜爵本州千戶遇  
凶歲以米粥賑飢民置義地瘞道殣不可勝計性濶達  
能容有無賴子被酒詈於門子弟奴僕不能堪鳶不爲  
意第命童子擊鼓以亂之鄉人沈里袖金一袋來曰余  
生平辛苦儲有三百金今老矣子且幼思非公無可託  
者無令外人知也因受置積中數年沈歿攜金付其子  
其子孫應芳相繼成進士皆以爲積善之報

見陳厚耀百歲公傳

暨劉忠孚守官漫錄瞿景淳壽序

吳紳字廷璋高郵諸生成化二十二年當貢以次貢年  
老讓之後三年紳始貢任隨州訓導嘗閒步學宮前得  
遺金百餘兩坐候失主還之後陞高州府教授致仕歸  
年八十餘卒戴應魁字懷墩世襲百戶嘗轉漕至虎邱

見兩金釵遺於路歎曰釵爲婦人所遺往往冤多不白  
持候數日一女婢泣至魁急起詢則主母疑以不潔將  
不測魁愴然還之

高郵州志

黃鑿字守銘儀真人茹貧力學雖以筆耕而遇人急嘗  
推食周之見鄉有訟者則必勸止之嘗語人曰施濟無  
論窮達視吾心力而已嘉靖四十三年登賢書再上春  
官謁選樂城縣令在任以出滯獄清逋負爲先務去之  
日民思其德會盛大參稔備兵井陘上其事請祀名宦

儀徵舊志

閻金字體礪其先陝西人父琮爲合肥簿貧不能歸遂

占籍江都金任俠好義嘉靖三十七年倭躡畿輔知府  
石茂華發民守城民望倭薄城率股粟時西北賈客在  
揚者數百人金召其豪共登陴有郤某者連射殪其渠  
魁倭聞陴間多塞上人疑其矢非邊外勁弓不能發遂  
宵遁境保無虞金由是名聞江淮孫士選士聰曾孫汝

梅皆相繼登科第

萬曆志

劉昆字谷行泰州人少時母暱之私以金不自秘悉紆  
曲給諸伯兄之乏者亦不傷慈母意嘗拾遺金數百待  
遺者至還之凡有贖鍰未納尙羈獄者捐緡代脫之嚴  
寒賑糜施棺槨無慮千數里中某官侍御與李石麓相

國姻勢橫甚垂涎昆所業市廛一區遺奴詣昆欲得之  
二子俱爲請靳勿與昆折節持房券畀奴亦不與值後  
某官家業蕩然而昆子姓代以爲善昌其後云崇禎泰  
州志  
湯謨字君顯寶應學生於南門外開酒肆歲暮門已閉  
酒案下遺金橐久之竟無問者如是數年始見常來飲  
酒而久不來之一老覺竄於前詰之答曰子不肖某年  
除夜醉歸失金一橐因醉忘其處故貧謨詢其數相符  
因取還之後有湯機仕至北直灤州同知湯夢禎任豐  
縣訓導皆以行稱家  
傳

陳玉興化人偶於除夕得金市上俟失金者至盡付之  
有友寄金於室適被盜友往訊之卽以所寄攜出友曰  
君被盜而獨存我物耶玉曰人所託者較我藏更密耳  
同邑人陳以恒素行敦篤適有農人爲債所逼攜一女  
賣以償以恒遇於道詢其故卽以所積金與之新  
增

張封翁某江都人忠節公伯鯨之父貧甚與甥某貿易  
學宮前拾遺金千兩甥欲剖分封翁不可俟三日無問  
者甥又欲分封翁仍不可越六日有江西木客哭而來  
叩得實還之甥慍甚與封翁析業是夜夢神告曰此事  
已奏上帝賜貴子大門閭逾年生忠節公學案  
錄存

夏應芳字元成江都人父翠幼孤貧鬻蔬奉母甘旨未

嘗缺應芳中萬厯十六年鄉試五歲能誦詩長豪俠喜  
結客浙人沈姓者以書一籠寄應芳家越十餘年不取  
問浙人曰死矣卽攜其笥游浙訪其子歸之封識宛然  
發之書下皆白金計五百兩其子初不知父之有此也  
方貧無食於是感激終身稱應芳長者里有不孝子號  
李打虎性凶暴虐其母鄉人莫敢誰何應芳使勇士縛  
之因攜其母來令坐上坐責其子曰汝不孝鄉黨欲共  
誅爾吾今爲里中除惡扶之數十其人叩頭流血謝長  
跪母前請罪母子俱感泣應芳曰不孝能改卽孝子矣  
命坐母側與飲食勸勉遣去後遂爲孝子

異香

陸應期字國賢江都人嘗行齊魯間同舟者三四輩皆  
巨盜數嫚罵之應期性仁厚時時推飲食相勞苦頃之  
盜發擁應期坐樹下曰公長者不敢犯執同舟者撈撻  
甚楚盡劫其貲而去應期好振貸人負之輒自燔其券  
生平不善治生以是終窶子彌爲揚名人

萬厯志

王玉泰州人宏治間八世同爨

明史孝義傳

卞玪字汝用江都人世務農治家有法五世同居士民  
推舉嘉靖十三年有司覈實上之詔旌其門

嘉靖志

李鏜字永懷興化人以子春芳貴封少師鏜五歲失父  
事繼母能得其歡心性淳質謙謹不以子貴驕人聞里

有困苦者輒徬徨終夜不能寐必拯之乃已他邑民或以冤繫鏗言於令得釋其人來謝則已忘之矣著孝友勤儉四訓以示子孫令世守之

興化舊志

樊誠儀真人為楚府典膳幼孤有意氣嘗遇故人子鬻客為奴即捐金贖之歸宗遊豫章見一不遇士欲自廢慨然贈百金慰使卒業後成進士報之不受有友假其名稱貸者以久負致訟輒棄千金產代償終不自明時稱其厚

儀徵舊志

栗寬字朝用揚州衛人嘗暮歸道拾遺金守其人至還之里有死不能棺者輒傾橐以助不給則質貸益之未嘗望報

萬縣志

李鳴字騫伯儀真人好古文博學洽聞試諸生輒高等居喪廬墓旁朝夕止食如生時有白鶴朱蛸之瑞兄負賈人錢千緡鳴鬻產代償收責於昭陽之下里逋者以歲潦請寬期盡焚券而返年八十八卒

萬縣志 康熙志云鳴事具雲

杜李維楨志中

鄭之彥字仲雋本歙人入籍儀真補府學生改入國子監居京師時一囚坐死獄察其冤入言於刑部謝廷諒為平反五世同爨食指幾及千外侮如蝟推之彥主家事有方程兩氏構大獄各破數萬金不能釋待之彥一

言而平值明季慨然考古今成敗傍及占候象緯地形

阨塞為建州考海運圖大司農鄭三俊嘆為救時才年

五十八而卒病中取五世簿計而較析其家財眾推羨

三千金以償勞之彥曰吾苟自私何不取其多者羣從

干指無間言生四子元勳元禧元化俠如艾南英撰行狀

史起敬字德聚江都監生授建昌府經歷曾破流賊活

俘民有功當擢用即乞歸弟起聘少孤比長析產起敬

推身所積均分之每濟里人困乏人咸號為長者萬曆志

案史氏族譜載倪啟祚所撰史北渠墓誌云史起聘字

德珍肄業南雍官德州致仕歸兄起敬長厚無競人易

聘衛之不遺餘力起敬在建昌在以輸京額料受欺幾

不免起聘焦勞為計卒保無他自願其居日百忍手輯

暮景怡情集醒心集醒後至言家政要語懿德紀事崇

善集洗心格論

範身警言諸書

鄭柏齡字兌溪興化人少有足疾惜字紙而愈年六十

九行經城上文昌閣見遺楮草間俛拾之中有物啟視

皆白金書言以半治木半具喪服蓋婆源程氏客於外

父垂死寄家人者也柏齡遍書招其人行至邵伯乃相

見語與書合悉歸之興化縣志

宮永建字克昌泰州人性孝友喪父時家貧從舅氏貸

木後償半而半尚虛歷五十年病革召子景隆亟取篋

中書若衣償之父柩在堂會島夷入犯民盡竄子身居



守曰樞存與存樞燬與燬耳時比閭焚劫永建家獨免  
僉異爲孝感七旬失明踰十年雙瞳忽炯炯卒後八年  
持祠崇祀泰山墩之陽

康熙志

史宗顯字及遠江都人知書重義有山東元克孝者來  
揚與宗顯善其妻亾子以哀毀亦亾子婦抱夫木主自  
經克孝貧不能殮宗顯爲之棺殯擇家園善地以窆令  
子孫世掃墓祀之通州貢士楊孟堅亦善宗顯年五十  
止一子除興安判次廣陵子粹亾孟堅慟絕不欲之官  
宗顯勉其行以一婢贈之冀生子以續其後他日宗顯  
遊崇川孟堅已卒其友孫夢楊相囑曰明日史公來爲  
我致謝孫訪宗顯於客舍白其事宗顯驚異因爲歸其

喪宗顯以明經授兩浙運判遷福建理問

雍正志案  
孫乃其友之

姓楊卽楊孟堅孫夢楊謂孫姓者夢見楊孟堅也  
雍正志易楊爲揚以爲見夢於其友孫夢揚非是

王自學字憶齋高郵諸生嘗館於江南歲暮挾脩金歸  
至瓜洲鄰舟一老翁持幼女泣叩之曰負官錢破產止  
輸六七鬻此女充其數自學惻然盡所有畀之歸而典  
衣卒歲鄰有凶人欲占所居索書賣券竟去其產後子  
永吉成進士買地構宅其人懼具價數倍叩頭謝自學  
笑而揮之曰實已忘無相疑也終置不言

高郵志

劉有恆其先河津人移家江都以明經貢太學性好施

予嘗有惠於鄉里偶獨行遇羣盜中有識之者曰劉貢生善人也不可害護送之歸子冀鈔亦善士

康熙志  
甘泉縣志

去孫長發  
康熙六年進士

扈國學字翼民江都東鄉人明末高傑縱兵擾邗東將及仙女廟國學率鄉人各持矛禦之竟不敢犯事聞給

冠帶不受

江都縣志

尤佐字良臣高郵人年二十九妻李卒不再娶壽一百二歲身輕不杖同里進士李應軫偕諸生公舉義行州守盧璟李含乙旌表其門江都有王應第者司教山陽既歸以苜蓿餘俸貸人輒不償應第亦不問雖接年少輩必以禮七十三始舉子猶爲畢其婚娶及見其乳孫

飲賓筵十二次年九十四以無疾終

康熙志

朱義字沂泉江都監生當明季歲饑道殣相望又役繁民困多罹於罪義曰爲粥於路以飼甿羸出米及衣襦以賑繫囚制棺以給貧不能斂者嘗渡楊子見覆溺因餼善水者具舟以待今所號救生船實自義始鄉鄰有訟者爲平曲直咸以爲朱公斷愈於官斷云生七子皆有聲庠序孫陶康熙二年舉人

同上

潘起龍字雲從江都人幼貧傭書以養親後爲臬掾持正不阿副使鄭二陽治揚州有邑令以視餽緘其函甚

密起龍揣知之曰金也二陽乃却之又一合以賄入人  
罪親持爰書上謁起龍密語二陽卒平反其獄以是益  
器重之凡郡內修學葺城築隄防浚漕河諸大工役悉  
委起龍董其事銖黍不侵而程功特善掾吏中篤義士  
也

江都縣志

王師文興化人里有女子爲奸人所誘將失身父母不  
能贖師文贖而嫁之嘗持五百金寄逆旅主人同時他  
客亦寄千金比去主人誤以客橐授之旣行發橐復持  
還則客方詰主人將訟諸官師文以橐金歸之乃解崇  
禎未大饑捐穀麥數千斛錢數千緡居家不私一錢婦

亾盡出裝篋分諸姪新增

喬夢斗寶應人崇禎末江淮大饑人相食夢斗賑粥於  
北關外之泰山殿歲費不啻千金寒給絮喪助棺嘗中  
途值裸者解衣衣之忍凍而歸丐者叩門必和顏慰曰  
得無餒乎親持糜以食之終其身不怠

人物

國朝

汪文德字是修先世祁門人家江都文德自祖父來同  
居四世崇禎十三年饑捐貲倡賑多所存活乙酉揚城  
破文德與弟文健詣軍前謁豫王獻三十萬金犒師曰  
願王下令勿殺王義而許之欲授以官以無才辭請歸

里給一木符令還

康熙志

程奭字青來江都學生客游湘潭夜泊河干聞哭聲哀且衆曉起見白骨山立其地蓋戰壘也盡出橐金收瘞之湘人建亭以志其德又邑紳某罹誣罔將得重咎奭捐重貲救之略無吝色

江都縣志

謝良瑜字鍾山甘泉人明末盜賊蠡起犯邵伯鎮瑜率里人團練義勇禦之授之官不受歲祲出粟以飯貧者著有畦園集舉鄉飲大賓

甘泉縣志

范仲濂字懷宇明季由休寧遷寶應是時役煩賦重徵收繁難推里民殷實者董其事仲濂與焉會某令數收急既完納猶以後期為罪仲濂悉縱之去崇禎間大水歲祲催比為難仲濂視簿內欠一兩以下者皆代完不下數百戶有誣盜一案株連十七人仲濂為白其寃得釋兩舉鄉飲賓子之俊以順治三年舉於鄉

行畧

韓日章字澹仲江都人府學生好理學七舉鄉飲子燦順治十五年進士知瀏陽縣日起亦順治十五年進士由教授陞河南盧氏縣有政聲歸舉鄉飲大賓著有遺訓文二卷同穴志二卷

家傳

吳邦義字宜之高郵人明末有從中州避饑過高郵者日以十數計邦義盡出困穀資其旅費邑大水又命家

人持糗糒徧拯救兼瘞流屍兩舉鄉飲大賓年八十三  
以子世燾官

封徵仕郎

行狀

王崇謙字咸吉儀真諸生嘗陷圍城中積屍如麻有騎  
將二護以行得免問其名曰東門餓夫蓋崇謙嘗於雪

中救此二人也著有鍾菴集

淮海英靈集

馬鳳藻字羽皇甘泉諸生年十二值寇警城晝閉家斷  
炊有米在東鄉勢不可致鳳藻夜縋城出抵莊上趨運  
米入城衆莫應者乃自解繫腰橐實米其中負之徑走  
走失道邏者獲之縛送渠帥帥憐其童也授一旗令去

歷諸營驗旗釋放遲明抵家父母驚喜問狀笑對曰前  
聞子路負米兒亦一人也何渠不若後父歿孝養母數  
十年依依如穉子嘗酌酒墓下呼曰兒老矣不復童時  
負米也生平與人交不作握手熱有憂患輒力振之家  
不舉火從人貨錢市薪道遇被火者悉付之一族人爲  
奸人餌潛攜二女出境藻聞信馳奪之還其好義皆如

此類

甘泉縣志

喬蔭寶應人世父可聘爲邑令所構幾不測蔭出所藏  
白金二千七百兩解其事有郁存雅者舅之子也以窶  
爲業逋城輒直被笞幾殆蔭出金代輸存雅得不死且

為置產養贍與王貞涵友善貞涵貧子廢學蔭出束修教之其為善於鄉多此類

寶應縣志

葛守渠高邳人素有厚德常經商膠州值山東大旱盡以貲本糴米買棺為助

李滢敦好堂文集

王凝鼎字鼎養寶應人有容子也歲貢生寶邑壘罹水旱流亾載道邑令孫蕙訪救災彌患之計疑鼎條列數萬言有請申水災書有論旱蝗異災書有請申蠲賑書有請比高興求協濟河夫書有募緯夫書有論建子嬰隄疏蕙一一申請施行晚年纂緝程朱道書自為一編又綜貫古今諸史附以已見為稽古餘論年七十舉鄉

飲大賓

寶應縣志

王復衡字山公儀真人居甘泉以恩貢入太學為熊賜履龔鼎孳所器重居家孝友惇睦宗黨中待以舉火者常數十人孀姊二俱養於家待諸甥如已子儀邑正賦外有五股差徭苦累復衡力請上官勒石永禁通邑德之後以中書需次主事以子貴

累封朝議大夫卒年八十六子誥康熙三十六年進士歷官洗馬文充十二年進士選庶吉士諸子及孫多登賢

書列明經以文學世其家

雍正志

黃家珮字鏘鳴歙縣人徙居揚郡事親志物咸盡為人

好義急人之難不畱餘力歲乙巳海溢捐金修范公隄  
大水洊饑多方設賑全活無算

康熙志

俞珏字十穀由江都遷泰州之小紀有戚友蕭懋德者  
爲匪人誣訟於藩王處王命索之鄉人皆屏蹟莫敢與  
蕭接一語珏獨身維持之舟將發與同起卧抵南省珏  
爲慷慨披陳盡道某挾私誣罔之故王稱善欲官之以  
親老辭有揚彼者工古文書法古篆與趙景福高以位  
張湘芷黃文中稱五子楊筱歿四子撫其孤景福以女  
許之文中教之成立已而湘芷文中相繼歿景福以位  
撫其孤亦如待揚彼時時以爲五子之交不以生死隱

晦間也

見俞十穀行略  
暨雪齋文集

葉禹臣字九疇江都人明末值兵亂戈鋌及親挺身捍  
蔽卒無恙嘗作客次烏沙峽被劫同舟者沒於水禹臣  
登岸從池陽客貸百金募善水者求得死者屍同舟之  
人識與不識各分金治裝歸之又挈貲通州督竈煮海  
巨竅陷其貲率黨白晝行劫殺傷人反誣許禹臣禹臣  
不訴時兵憲李於舟中焚香誓天訊皆效服合坐大辟  
絞流者數十人禹臣復籲請止坐罪首餘悉寬宥范公  
堤圯官民以工力浩繁爲憂禹臣慨然修之康熙四十  
四年

仁廟南巡其長子震掖恭迎道左

御書椿永二字並出上方饌食參茗賜之

東山文集

潘鳳毛字冀階寶應學生嘗兩次割股愈親疾困於衣食而急於濟人邑令吳乾玉作潘善人傳自書於册

白田

草堂集

郭士璋字子秉江都人事父以孝聞明末值兵亂士璋負父匿與教僧舍承塵上日冒鋒刃懷餅餌入供父在寺門聞積屍中微息跡之有七八重創喉斷而未死士璋俱負之就僧舍為拭漬血以藥敷之且煮糜以飼七八號呼指使悉應之如其意及創復始去不問姓氏七

人亦不問活我之為某也後奉父以壽終子銜字山題

登康熙四十二年進士由中書出為瓊州府同知聞母

喪奔歸以哀毀得疾卒於瓜洲道中

江都縣志

朱爾遠字叔識寶應諸生順治初歲一再饑爾遠與邑人積粟北郭奉山殿煮粥以飼餓者倣高忠憲同善會每月積金冬授衣病施藥死給棺又買地為義阡貧民歸葬者近千冢湖廣庶吉士朱士冲舟過寶應疾殆爾遠見其子然一舟因為治棺及含殮具士冲枕上叩首而卒縣丞邵輔莅任九日卒爾遠殮之且指貲俾扶觀歸以子克簡貴



封

中書卒祀鄉賢

寶應縣志

姚惠江都人家貲巨富好施叔父稍分產予之值明季游飢惠盡以賙貧者數月不敢見叔父叔父詢得其故又分予之惠施散如故產既盡不惜典鬻衣物以救人艱苦曾孫錡居家課徒分館穀之半養其子之師既卒錡竭力營葬事每歲拜其墓

孝義錄

吳崇先字式武泰州人順治十八年由歲貢生應試授宏文院中書內艱服闋補秘書院旋歸康熙九年大水告災例免條鞭而不免漕崇先暨沈喬生等叩巡撫疏題並免徵漕此後遂為例著有經濟鴻書志遠堂新編

桂籍軒詩

泰州志

道餽遺尤人所難能惜言之不詳

卞時孜字二敏甘泉庠生佃戶有鬻妻者贖使完聚某土豪奪某石工業并逼嫁其妻力爭之獲免其餘周恤

困乏不一而足

甘泉縣志

葉君實江都人嘗行市遇兩人鬪於途一人曰吾兒長若不子吾女吾訟若一人曰吾凍餒走四方妻鬻女大姓吾不識其里居奈何訟我君實喚二人詢女姓及齒愕然曰來與之歸呼一婢出曰是非若女耶立出券與之二人感泣去明末城破一家夫婦子女俱獲全友人死於兵置棺易衣為殮鄰老媪為刃傷幾死攜歸手調

藥敷之愈乃遣去呂四場捍海隄漸毀君實出數千金

告之鹽使者修隄四十餘里

甓湖草堂集

程量入字上慎本歛人遷江都周人之急不求人知舉

鄉飲賓子之譏字象六善承父志籌餉急公晉五品秩

雍正志江都縣志云量入生平多隱德有因所識以物質者金已酬其人沒諸已質者問訊於門量入曰吾偶忘未即昇耳復如前數與之後其人聞而愧謝衆始知又家人嘗置輪餉銀案上量入午眠帳中有潛持百金去者量入實見之及家人訝其數缺則曰吾別有所用之矣晚歲弗良於目恒命其子累金差輕重置案屢中客或有所請即取而納諸其袖貧老之故人至者探篋中裘絮令著以出其陰行善事類如此

史頤字壽平世居邵伯鎮順治十四年舉人同年友程

譽生遭大難平時所與遊皆避匿去頤以身左右之託

其子以女許焉里役不均倡義立挨戶輪催之法揚州

鈔稅之弊每有苛役下鄉鎮曰攢典行旅貿易之人苦

之曠為陳於有司禁止以淮揚水患十餘年作漕河考

淮揚水利圖議周橋翟壩議沿海水利圖議上之歲饑

委曲調劑捐囊橐不足繼而易產人問之則曰予父志

也選教諭之官卒於途所所輯有文獻通考鈔歷代選

舉考議

孫宗彝愛日堂集

陳采字碧兼泰州學生嘗以河防數十事上河帥泰有

不毛田一千八百餘頃額一千四百餘兩米一千七百

石業戶每歲無一粒之入而輪納如常稅采具呈本州

通詳各憲卒得免又捐貲修考棚暨學院大堂子端官

刑部員外郎

行狀

卞時璋字荆玉江都人晉忠貞公後也異母弟遭亂播越躬跡其所之攜歸為營田廬以居食之忠貞公有賜祠於揚歲久廟圯時璋修之歲時集族修祀事講孝弟仁讓不率者告於祖責之不能舉火者計口授之食流離者趣之歸寡妻弱子婚嫁殯葬食用被服莫不身任之族之殘婦誤字其女匪人訟於官贖還撫育如已出歲饑倡賑例授迪功郎時璋讓美於人不受高郵孫宗

彙大書其傳曰卞處士

號湖草堂集

郭奎字葵心江都人明末揚城破奎母驚悸死父縋城堞死其伯兄之子方七齡被掠以去奎於倉皇竄伏之頃營其兩親之殯既殯會兄病篤奎往求兄子之在師間者雪涕嗚咽丐食而前卒得攜以歸然罹於危險者數矣奎治岐黃之術投良藥不責錢里人為畫杏千樹坐奎於其下題曰杏隱先生弟光字自瞻性孝友親歿五十餘年哀慕未輟凡師友之無後者春秋為位祀之舉鄉飲賓所輯有四書講義易詩正解子延齡彭齡鶴齡嗣齡九齡皆有文行彭齡嗣齡登科甲孫滋沅俱舉人長源舉雍正十年鄉試第一

見席嶺山人集暨甘泉縣志雍正志

朱之珽字天遺寶應人康熙八年舉人事母晨夕不離側就禮部試出闈卽僦車歸人怪問之曰吾親老不可久離卽使獲第踰三年殿試豈爲遲耶以家事委弟終身無間言邑有集議是非力爭卽有觸忤亦無所顧邑令以憂去里人具呈上官畱之之珽獨持不可或以爲拂令意曰義不可畱他非所恤也年五十六卒白田草堂存稿  
閔世璋字象南由歙遷揚州行鹽筴累貲鉅萬歲入日家食外餘盡以行善事與同志立社館收棄兒多至二百餘人瓜洲金山設救生船康熙五十九年大疫延醫施藥於三義閣下洪姓喪妻不能更娶親爲擇配贈百金汪生無貲葬祖父假以三百金王喜鳳被誣逮於法以十二歲女質入金贖還之爲下河周氏償逋糧汪某貸三千金趙某貸數百金旣歿簡券盡還水災首倡賑粥日食二萬餘口凡數年初揚州破棺骸哀如山阜延僧收檢葬之嘗渡江謁九華山見饑民蜂屯買米賑三日修儀真仁壽橋西門雙橋二十四橋等之圯者治司徒廟右山阪路運河距南門五里舟過輒遭破壞故老皆言下有神椿爲靈怪所憑出匣中金取一百六十餘椿舟患永絕孔廟聖賢像明嘉靖中用張璠議易木主康熙十年部牒復令天下立像前像已剝落世璋敦匠

裝新修禹王廟及南門外七級浮圖江西浙江遭變亂  
婦女被掠有山陰善士虞心影奉當事命挈難婦八十  
餘口抵揚募人贖之世璋陰給錢米人罕知者四舉鄉  
飲大賓卒祀鄉賢子寬樂善好施克紹父志

見魏禧善  
德紀聞錄

序暨康  
熙續志

張廣字敏公高郵人順治七年拔貢生性慷慨常以濟  
人利物爲念修漢孝子董永祠八里鋪真武殿歲饑代  
貧民薛鳳王然張選等數百人完課二千兩又多作飯  
食給州前應比人下河有貧民千餘家遣子忠齋米稻  
百數十石給之郵有守備張某清廉被誣及卒二子皆

下獄廣聞其無辜力爲救恤竟獲保全明遺老劉文昭

忠臣文炳弟也寓郵貧甚廣存活之又贈金完其後事

廣學邃行優屢躋場屋人甚惜之

高郵  
州志

楊中選字青臣江都學生少從魏禧善古文父毓芳患  
疽中選以口吮之痛少定見者拚鼻乞兒闖入戶內家  
人或呵之則曰是特迫於饑寒何爲受汝辭色嘗之吳  
門客置妓席危坐不語舉座爲輟飲或譏其矯每晨起  
盥漱畢整衣冠南向長跪歷舉聖賢忠孝號結想頂禮  
有崔免牀者赴洪大中丞之招道過揚州中選諄諄以  
關邪書寬敲扑爲囑年餘崔復來出袖中撫軍疏稿示

之則三年積欠皆蠲免淫書已斧其板矣中選八十卒

馬榮祖文集

胡夢豸字去邪先世上虞人遷江都康熙十三年年二十二隨父歸越省墓過山賊劫民財豸父嗔其不義賊怒將刃之豸以椎擊賊仆市民遂羣起毆殺賊賊眾大至欲屠其里豸曰不可以我故危一鄉也挺身入賊寨被寸磔求遺骸不得宗族感其義為購首藁葬歲時致祭焉

江都縣志

栗本中字雪菴寬之後里有累官錢而質女者婿家來娶其人惶懼本中盡典衣物贖而歸之有富家聞其義因納交延譽為書佐復以誠信見重於鉅公著有觀稼

堂近體詩家傳

唐詩江都人歲貢生順治十八年海氛驟熾伯兄在殯詩守柩不出或強責之詩乃掘後圃葬兄棺訖始詣湖濱狐羣不逞之徒乘機掠居民詩團聚鄉勇親詣渠帥曉以大義上下獲安堵經荒歲倡義勸捐有負金者等富以十倍報力郤之門下士多至守令諸生馳名者二百餘人著二銘箴旨二卷性理闡要十二卷葩經慎思錄八卷大學衍義撮要五卷子五人紹祖繼祖繹祖續

祖綏祖學案錄存

重刊揚州府志

卷之五十一 人物 篤行

民

王藻字素修高郵諸生與州人張陽共發拯救八難之願育遺嬰施棺槨造船救生開局施藥悉竭貲募眾以次舉行三藩靖亂後婦女被掠北行有浙江貢士虞湘同里進士吳世杰為募貲遣歸藻奔走道途集白金百兩助之念囹圄卑濕呈當事鋪設地板陽字靜生子默中康熙三十二年鄉試

高郵州志

魏都字虞成江都貢生居瓜洲順治十六年海寇猝至都適送母避湖中父尚在城內都徒跣奔百餘里雜負擔者入城負父出母病膈不能食都侍榻前每日止啜粥一盂尤能濟人危急周族姪之媳俾得終節所著有

晚香閣集子嘉琬

江都縣志

李茂字子容甘泉人幼時父摩其頂曰是兒體骨不凡待鬚長必成令器後果鬚長尺許而父已亾撰惜鬚記婚時青袍母手製也每祭必服而拜且拜且泣臨終遺命以青袍鬚囊殉焉嘗客漢口人煙稠密多迫於火災茂贖民舍若干楹闔巷里許名曰永寧全活甚眾以子天祚貴

封朝議大夫卒祀鄉賢天祚尚義樂施克續前志官鴻臚寺寺丞弟必春字耀明見焦山下江濤洶湧於象山之崖鑿石以繫篋纜過者拔之無一失歲易其舊歷數十

年無朽敗

墓志

卞漢陽字楚度江都諸生弟汾陽以事被累漢陽代至官引爲己罪官知其誣並弟得免生平周恤三黨敬禮師友鄉黨咸稱之孫咸和康熙四十二年進士

江都縣志

汪朔周字曼思歙人以業鹺遷江都族姓中多荒田賠糧之苦朔周捐置腴產以歲入抵糧永以爲贍舉鄉飲

大賓

雍正志

阮樞良字孚循江都人居北湖之公道橋幼孤事節母厲太恭人以孝聞撫兄弟子如己子嘗置義冢數十畝以濟貧者值歲歉施粥食醫藥益力湖口橋久圯樞良造舟以濟往來舉鄉飲大賓避不應子時衡藻衡孫玉堂樞良以玉堂貴

贈招勇將軍時衡字宗尹好善樂施一秉父教以玉堂貴

贈招勇將軍又以曾孫元官

贈光祿大夫

家傳

劉正實字充符歙人籍儀真以營田例候選知州初歙有排年總催積欠逾二萬與弟豐年慨然任捐尙不足謀於邑人業鹺者嘗過江寧鎮有鬻婦償負者捐金贖還之又造救生船於江口豐年字雨田官賓州有聲家居時值官賑粥惻然曰晨出午食餒者眾矣遂於船田



菴晨煮焦米以濟每歲夏於樸樹灣僧舍施茶寒夜設  
薑湯捐綿衣以給貧者同邑蕭道生遊兩粵見江南人  
客瘴死者盡載其櫬歸訪其家人還葬之襄之以費修  
龍門橋費萬金歲飢捐金助賑先是其父兄允寧賈天  
長鄰人有因欠逋而自經者聞其聲排門入救代償所  
負人以爲世德道生子七人皆顯貴儀徵續志  
楊景隆儀真南城人居近市口有永新商販臘豕過其  
巷偶遺二豕景隆爲暫收之經宿商不至童報江干有  
販豕者意大窘迫景隆試探豕腹有金急使人招商還  
之商感其義置酒會諸父老請文爲壽景隆晚舉二子

儀徵縣志

夏聞政字青字高郵人父衡可有隱德戶外長吏過必  
冠帶起立有偷兒入室爲素所識贈之金温語慰遣終  
身不言其姓名隆冬著重袴遇貧寒於路輒解以贈聞  
政遵行益力三黨待舉火者數十家邑被水災貧者至  
棄子於路聞政倡建堂以撫之又設藥局於市方築室  
時鄰人或阻其簷溜聞政曰吾自以木承之又強族侵  
其墓田聞政悉推以予嘗語子孫曰吾生平無他長惟  
喫虧耳年八十五卒以孫之蓉官

贈徵仕郎家傳

直隸揚州府志

卷之五十二

人物篤行

三

耿兆組字玉書一字前紫前明長興侯炳文十三世孫  
侯第七子良駐江都南境號耿官營子孫遂爲江都人  
父大有好施予以長者稱舉鄉飲賓兆組於里黨中隨  
所見聞寒者予衣飢者予食死無殮者予槥多身親往  
遺之且戒以勿言康熙五十九年六十年米騰貴而貧  
家負糧病於追呼兆組輸米數百石接連籍代償之以  
獄室狹囚多瘕死請於官自捐瓦木增屋處之又捐田  
百五十畝歸縣取租以補其缺城南鈔關運河水流迅  
急小舟渡人輒沈兆組造大舟募人操之捐田百畝租  
當其傭值炳文以靖難時死爲成祖所不悅未有祠兆  
組特建家廟修宗譜設義學延師以教族人子弟設義  
田三百畝雍正二年官吏奉

諭旨募人

建普濟堂收養病人如京師例兆組方居瓜渚語僧  
見省卽菴爲堂歲費二千金皆一人獨任而與見省均  
其勞邨居時於寓樓塑父母像晨昏升拜如定省然兄  
歿自設主家時時對之伯母守貞苦節徧祈當事題請  
建坊入節孝祠卒年六十六子三瑋乾隆五十一年舉  
人尤徵君遺集

汪應庚字上章歙人業鹺於揚遂籍江都富而好禮篤  
於宗親外父許培元歿遺孤二人應庚不避嫌怨仗義

撫孤二十餘年俟二子長舉所遺產歸之每歲夏秋設藥局於平山堂瓊花觀雍正九年海嘯於伍佑卞倉兩場賑粥三月十年十一年江湖疊泛洲民化離應庚屬焦山僧沿洲計戶口先出橐金安集之隨運米數千石往給災後疫作設藥局焦山寺復運穀數萬石使得哺以待麥稔例授光祿寺少卿銜乾隆三年歲飢首捐萬金倡請煮賑時兩淮公立八廠明年春賑期報竣八廠胥停應庚捐增八廠各一月七年秋水溢時應庚已卧病急出銀六萬兩輸諸公府縣學宮歲久圯壞應庚捐銀四萬七千兩修治以二千餘金製祭器樂器萬三千金購腴田千四百餘畝入租粟以爲歲葺費以焦山下江流險急舟多溺設救生船懸立賞格儀徵育嬰堂給嬰兒冬絮加乳工賞資立義冢徐寧門外貧民不能葬者給鼻棺費夏冬施棉襦設茗飲痘瘡盛行之年備人參鹿茸黃連犀角施送又興復平山堂棲靈寺建五烈祠並爲請

**旌**

表其墓在城之貞節祠亦改而增擴之其善事不可枚舉死之日遠近哭而弔者踵趾相錯揚人士爲製木主於平山堂附歐陽公歲祀子起寧波府知府

學案錄存

仲伯篋字斗聯泰州人幼孤事孀母呂五十年如一日

他事憂忿見母輒怡然改容性端凝少宿衲舍有鄰婦  
潛奔寢所厲聲叱之明夕徙寢生平接物至誠見紈袴  
之子則避之晚年嗜邵子詩文自顏齋曰師堯年五十

三卒

泰州志

徐家駁字子淑甘泉邵伯鎮人少孤有至性每晨起必  
詣祖宗栗主前一肅拜始出歸亦如之終身不衰尤  
好施予見人落魄必飲助歲暮裹金百餘函攜袖中遍  
走衢巷遇貧乏者與之念徐氏族姓浩繁與族子佑民  
醵錢置月會情益聯絡將謀修家譜志未竟而卒後其  
族孫元慶續成之初家駁艱嗣有善相者曰相君貌法  
當乏嗣然百體都有和氣君殆有大德者非法所能測  
尋禱於浙之靈隱舉一予以孫元亮貴

累贈朝議大夫

家傳

徐開宏字思源家駁子少孤天性和易遇外侮有乘隙  
謀爲利者凌逼萬狀皆順受之比長見向之構釁者貧  
窘猶多方周濟嘗貸人數千緡或力不能償一日焚券  
百餘紙偶過市聞泣聲甚哀入視之則其人已投繯矣  
急救醒詢知爲負逋故卽如數代償其仁心爲質類如  
此年六十五卒子八人元軾另有傳元方乾隆五十四  
年舉人官中書元亮嘉慶四年進士累遷山東道御史

以元亮貴

晉贈朝議大夫同上

劉夢錡字端調江都人母早亾事父盡孝每冬夜必抱父足而卧父既歿所嗜飲食終身不復進有以子女來典鬻者必量其急周之而還其子女有儀徵吳姓者乍交也疾篤以老母幼弟相託夢錡養之數十年且為其母治喪為其弟授室焉江都縣志

蔣爽江都學生四歲母歿父邁厲疾爽親嘗湯藥衣不解帶數月家貧父命改業不敢顯與親違候親寢篝燈默讀事繼母孝朋友有美必成不受非義財冬至以葛

衣為襯人莫知其貧學案錄存

張鑰字堅門甘泉人府學增生三十四歲喪妻不再娶足不出戶者五十年課子讀書並課其故家子之貧難自立者督責與子弟同嘗買蔣姓田二十五畝三十年後蔣復賣其餘田售者欲並得鑰所先買者則值可豐鑰聞即以田付蔣取原值歸多贏六十餘金以畀蔣其

賙人之急多類此家傳

史芳湄字漣漪江都人少貧勤學乾隆元年舉孝廉方正六品頂帶列申明亭善人第一年九十卒時同列名申明亭者候選州同程旃雍正元年舉人于隆光稟貢

生周珠旃字岑謙遇貧寒資助不逮隆光字賓來年八十七非公事不出戶庭珠字孟還舉孝廉方正以親老辭不就皆江都人

學案錄存

丁裕江都人年十三而孤嘗請母涅背曰克忠盡孝甘泉令龔鑑舉方正江都令五格舉鄉耆開秦塘溝顧家溝五節橋造牖板六于張綱鎮立宗祠設議學

學案錄存

尤璋字仲玉宋參知政事衰之後遷揚十餘世祖守常明季死於兵璋有公產老宅讓諸兄弟自餽屋城東及兄貧棄產乃並嫂迎養之二十年母在時有養女年及笄擇婿以嫁後夫婦皆死更殮葬之曰母志也族有孤女二爲具糲嫁儒家子朋友死以孤託者教養之於書

靡所不讀嘗與修徐州府志江都縣志山東省志揚州府志雍正十三年舉博學鴻詞辭不與乾隆元年舉孝

廉方正

家傳

吳椿年字千爲歙人業澁於揚遷北湖之黃珏橋產不過中人而好施予每歲暮權其里中之貧者緩急多寡析白金作數等各裹以紙納懷中昏夜按門而投知其所爲者就而謝之則答以未知也賣米於市截竹爲半升實受升之二三蓋買米以半升計必貧人取半升之值而與大半升之糧陽爲交易之跡而陰行其周卹之

心也以子重光官

贈儒林郎常洪字東淮為椿年之甥叔九齡卒洪以田六

畝易邱壟葬之人以為有舅風

家傳

許健字六皆甘泉人兄不自立父母憂其為健累為之  
析居已而父母歿兄業蕩盡健以其居召兄歸自僦屋  
居不數年兄又蕩其產健坐此貧甚妻歿不再娶寄其  
子於戚奔走四方行抵河南旅舍草榻中得遺金二百  
餘兩健不復前進冀失者之返越五日謂地主曰先我  
客此者誰或復來有所求某於某地伺之未幾果至試  
之數適符遂出所遺金歸焉晚年歸故鄉讀書修道精

撰著之學居惟破屋數間而已時門弟子多膺顯秩戒

子弟勿往自奉淡薄所人雖廉而恒有餘餘即散諸人

歲時伏臘曳杖過貧親友之家贈以金又必為之辭使

受者無愧色著有六皆年記三卷詩鈔二卷

家傳

陳遇効字茂公秦州人族弟廉子祐少夭廉亦繼死遺

孤孫時夏生甫逾月託於遇効族人謀其家財不利於

時夏遇効維持保護與其舅父陸無忌許訟於州愚方

息撫時夏成名

秦州學案

江崑江都人廩貢生九歲而孤事母孝讀書數十行下

性好施予族黨之窮乏者隨時周恤有親串某某遭急

難事非萬金不可活崑罄所有為助不足仍典衣飾補  
之事始得解而崑家坐是中落幾於日食不給絕不向  
人道一字生平長於史學著史貫八卷藏於家以子漣  
官戶部員外郎

累封朝議大夫

節略

朱勉仁字韞魯江都人倡立日積堂會率里人日輸一  
錢堂中纍之以周貧乏事易舉而所資於閭黨者其用  
不竭人謂其法良可久邑令沈褒旌之子履霖登武鄉

科

江都縣志

朱詢字與白歛人曾祖遷江都詢生平兼修六行嘗葬

先世十一棺重修宗祠之在歛者代完遠近族遺賦數

千金倡同輩給江甘獄餅置救生船又獨給江甘儀徵

遞解飯食廣育遺嬰士族子女不得所者撫育婚嫁之

其他解推周卹之事尤多云

甘泉縣志

王仲駮字星駕甘泉赤岸湖人乾隆七年水溢愚民盜  
決隄有司擒治之或挾怨入仲駮父名逮甚急仲駮代  
繫大吏廉得其枉曰爾貌不類犯法者仲駮匍匐泣涕  
請曰水溢六七年隄決則死緩隄不決則死速蟻且求  
生何況於人大吏曰然則爾固決隄也仲駮曰囚實不  
決隄然辯冤一人生達民隱則諸囚生囚不忍一人獨



生坐視諸囚之死也大史惻然疏請得免狀行

黃起傑字漢英儀徵州揮使裔也家非素封而輕財好

義聞同姓女有鬻身葬父者瞿然以重貲贖歸備奩具

嫁之諸生古謝圖年七十餘始娶一子病篤以遺孤託

乃析屋迎其母子居食十餘年且延師教之入縣庠東

城外有報春樓下多荒冢首倡蓆棺會以掩骸骼每歲

除夕購米數百石以周貧乏有憂其難繼者而行之且

數十年人有急不惜典衣應之與伍起張元進方嶠同

書名申明亭儀徵續志

劉松泉儀徵世醫也邑人求治疾無貧富悉奔其急每

夜歸則舉所得藥金不篝燈視而雜置之家人詰其故

曰恐有豐嗇美惡不如渾也一日黑夜歸有偷兒洞壁

入卽以所得藥金悉與之曰度足爲汝活無爲此也其

人慙謝去逾時旦出有時鮮食品在藥臺上莫知所自

後乃數數劉密覘之則前黑夜受金者曰向令改行能

自活皆公之賜劉切誠之而饋始絕晚年失偶其子買

婢以進頻顛曰吾老矣奈何誤人少女製糲嫁之壽至

七十餘沐浴冠帶端坐而終儀徵縣志

汪其純字小函甘泉人以歛籍中乾隆二十一年舉人

與胡會元珊爲性命交胡官京師其純公車至京病歿

其純卽往哭奠哀甚伏地而卒聞者哀之以爲比范張之風家傳

許之宸字會中儀徵人議敘教職雍正十年引

見改授

東城兵馬司指揮稱幹敏有郭姓攫孀婦逋欠六百緡

婦恚自經郭賄其親屬詭云病狂而匿其遺孩敗蔣中宸驗訖聞蔣中兒啼疑有異研鞫得實遂置郭於法而追其逋且爲置產取息傭乳嫗哺兒俟其成立付之又倡義學聚貧家子弟百餘延師教讀後以年老落職歸

儀徵續志

陳芄字繼郇泰州黃單莊人世母周寡事之如母外王

父戴浩如暮年無依迎養三十年殮葬皆從厚嘗在天

長道中買女爲婢女別母哀甚芄問故泣曰父繫獄甘

賣身以贖耳芄惻然歸女不取其直夜過樊汊盜至見

芄端坐詢姓氏曰此長者不可害也泰州志

韓釗字敬康江都諸生少孤事母孝族中有女失恃者

撫養婚嫁皆身任之家貧不妄取子承祖衛勳孫容德

皆諸生節略

常坤字式如明忠武鄂國公十三世孫居甘泉北湖之

公道橋家故不豐而好濟人之急有負逋者逮追比代

償之訟忽解而其人尙不知也歲飢捐賑貧者給以棺

少索其錢避施之名而以爲交易孫識中嘉慶十三年

副榜

學案錄存

焦葱字佩士甘泉人少習易理善著兼通郭景純諸家之術性孝友弟藿幼殤墓祭必垂涕女兄二長者寡無子置數十畝以贍其食次早卒遺女教育遣嫁舅之子貧無依飲食之五十年家有田八九百畝戚有貸稻者將斥其所居以償葱曰吾豈迫人以棄屋者卒不取嘗買人屋憐其窮毀券以直歸之年荒則散穀振饑者坐是家中落然猶以賣田之直助姻戚殯資嘗與衆渡江中流風大作同舟人曰未有善人如焦君而溺者卒特

以無恐鄉黨皆稱長者云歿之前一歲知數將盡啓笥

取人借券燬諸火負於人者必圖有以償之曰不欲子

孫失忠信也年六十四卒子三循嘉慶六年舉人

墓誌

鄭鍾山字峙漪儀徵學生業鹽兩淮舊有育嬰堂積久

弊滋鍾山董其事嚴出入慎醫藥數增至千餘口乾隆

十二年時疫流行捐金購藥存活甚多子宗彝進士官

至御史次子宗洛內閣中書鍾山弟鑑元字允明於孝

義之事勉爲之修京師揚州會館獨捐數千金建親樂

堂於宅後子姓以時奉祭祀著鄭氏家言一卷

同上

朱篔字二亭其先大興人曾祖肇基爲江西某府同知

被張獻忠執不屈死祀元善逃匿始遷江都貧幼貧好學宏博淵深莫可涯浹陳文恭宏謨見其著作稱為才識具備性尤慕義友人金某夫婦死為之殯葬收養其子女疏戚程某生依以養死贍其二子俾成立鄰母杜慮諸子不肖彙金小匣寄貧家久之母死質給其子封識宛然著有二亭詩鈔經濟纂要新

汪復祖江都人貿易宿旅舍遇浙人夜悲咽叩其故則貸金購糧舟沒資竭思自盡者復祖助以金遂不死又於徽州置義田建塾學課貧子弟江都學案

余士觀甘泉人樂善好施會倡修學宮保護族黨中節婦脫人於顛危死凶之中有感恩者既富酬以千金不受舉鄉飲大賓學案錄存

黃閣字若宿儀徵學生祖母病閣禮斗願以身代病尋愈妻吳生子旋歿閣年二十七鰥居三十四年卒同邑汪壽字炳宗嘗與徽人鮑某同賈於富安場鮑暴卒遺資累千金人無知者壽悉扃囊中藏錄簿俟其子至畢

付之儀徵續志

朱璐字式玉泰州學生五歲而孤長重信義有戚某罹重罪論戍臨遣璐鬻產以資其行子雫年十六遭母喪哀毀骨立終喪不茹鹽菜盡產為其兄償逋鄰有子不

類密以金篋屬雯鄰死無知者雯私為權子母臨終詔

鄰子反覆勸諭盡舉以歸之

泰州學案

李克猷字靖颺泰州雙河邨南人邨三里地瀕河潞塊無人迹舊為盜藪自知州周鼎鑑建屋四十間募民居之行人恃以無恐名其地為周公鋪久而屋廢險僻如初乾隆五十年歲饑往來益警克猷偕其姪琪慨然變田產建屋八十餘間造橋梁修道路招姻族文武子弟讀書學藝其間既厚其族姓而往來舟車遂不為畏途至今鄉人置宅貿易儼然成市有李大光者字煥寰海安鎮人鎮鄰於海故多盜大光捐腴田二百畝設法緝

禁

泰州學案

儲昕字曉亭泰州學生少孤事母孝簿田所入歲以濟族中貧者家居授徒屢空有姑三人皆貧迎歸衣食之終其身急朋友之難跣足走百里營救不使其人知學者以為古君子

同上

韓繼勳泰州三塘人家貧母死無以殮倉卒得遺金十兩俄金主至則賣女以葬親者繼勳曰暴人之親以殮吾親非義也以不義之金殮吾親非孝也還之逾時母蘇曰吾至冥三日適冥官語我爾子還金以成人孝今活汝以報爾子後十二年始卒

同上

王聯字鷺亭泰州廩生與甘泉沈鳴謙為性命交乾隆四十五年沈鄉試江寧病喉欲歸聯送之沈斃於路殯於丹徒某寺中明日沈之弟鳴雷至求聯不得見或以此事問之聯曰我無之也嘗買一僮僮每泣詢之曰吾安慶人思父母耳聯為求得其親族歸之別傳

阮承信字湘圃儀徵人父招勇將軍玉堂歿於官家無儲蓄承信潔清自守嘗於渡口獲一囊啟之皆白金而有官文一角坐守至暮果有一人踉蹌至將投水詰之語以所失且泣曰公事甚急失此並累本官不如先死乃徐付以囊不告姓名客漢口時有舊家女窶而鬻於媚得金二百竭囊中資贖之嫁諸士人蓋在貧窶時篤於義行如此後以子元貴

封

光祿大夫戶部侍郎年七十二卒於浙江巡撫官署儀

續志別傳云中丞督學浙中按部至寧波有鄉中故人謁先生于省署先生接以禮故人曰清貧若此乎先生曰吾家本寒也徐出二紙值千金為先生壽先生婉然曰吾生平恥苟得財故貧耳君奈何無故而為我壽君以禮來吾接敢不以禮君以賄囑恐今不可出此門闕其人愕然謝罪退

俞大謨字安國江都人嘉慶元年恩貢生幼時母郭病危默禱於東嶽神祠願以已算二紀益母母恍惚見二青衣指顧而去病良已後果歷二十四年卒著有讀易舉例三十五卷生平篤於根本嘗手編家譜先是大謨

祖長城由浙之錢唐遷揚州大謨赴浙遍訪宅兆葺其  
頽敗且以道遠不能如期完地稅籌費畀族人權子母

永代輸焉節

附錄以下皆捐施賑濟例得附書

明

陳昇洪良偁劉先聲皆江都人侯觀王志羊昱辛興張銑高

尚拱汪燦吳宗浩卞昌馬必健李聯芳王汝立汪鏢劉

學恭陳起龍吳潛皆儀徵人吳義方珍趙璘鄒實徐毅張得

常夏智吳禮左貴王盛卜瑛韋震左經戴恕吳潤王恕

周全王昇郭得昭靖友信陳寧劉瑾錢智王貴黃達朱

榮尤瑀尤琮迮泰孫義王吳郭珍張榮靖安楊椿李圮

張繼迮宸張息李軻夏溧陽楊綸李如山王學張應文

唐章邱瓘陳蘊丁懋承皆高郵人陳大浩陸鳳紀李茂年皆興

化陳綱陳言陳應奎楊皋皆寶應人雷信許禮劉縣陸敬盧

源游淮宮貴盧澄金萬業顧楷顧教皆泰州人

國朝

黃孝先汪修業黃以琳汪玉琳湯肇修閔捷黃履昂吳

家龍吳禧祖張師孟江拱垣朱珣孫裕皆江都人吳于悌孫

為嶼張坦羅瑾皆甘泉人汪良黃世澤鮑尚迪程元基吳之

騷汪銓吳士玉薛廷吉皆儀徵人李智李琦徐權孫暢趙爾

儀孫華

皆高郵人

朱永昌張芝禧李戴歐陽東鳳劉士璟解

大鶴王志廣楊廷雋余鍾王毅孫兆俊陳強趙萬祿虞

九皋

皆興化人

喬巖劉心學

皆寶應人

朱淑熹陳夢兆姜日祥潘

志原陳位望陸經陸綸徐謨陳鑽王三祝李廷芳王茂

公王鶴齡高榮軾程師旦王宗佩陳育璉曹忠殷譚獻

琛紀霖程旭韓大鵬李祖遐

皆泰州人

張麗生周擇長范楷

朱廷琛劉製錦程宗湯程兆椿王子章金撰姚懋德蘇

學蘇林

皆東臺人

重修揚州府志卷之五十二



